


土岐文庫
文庫17
W82
30



文學 17
W 82
30

清雋集鈔

鄭震後更名起字叔起號菊山閩連江人早年塲屋不利棄舉業更讀書客京師三十餘年歷主於潛諸暨蕭山學晚為安定和靖書院堂長又開講於平江無錫伏闕論史嵩之淳祐丁未鄭清之再相震登其門罵曰端平敗相何堪再壞天下被執與子女俱下獄京尹趙與籌縱之鄭罷相乃免與林虜齋周倫弼為行輩詩有倦遊稿仇山村選四十首為清雋集所南作家傳云得詩十五篇此蓋流落交遊間者所南未之見也

鄂州南樓

淳祐六年冬十月我來獨自上南樓曉霧江山都不見霧收日出城東頭照見漢陽樹照見鸚鵡洲浪濤江漢出岷

清雋集鈔



昭和六十年二月一日贈
土岐善吉唐氏寄

010 1851 88561

峽洞庭雲夢天共流大船如龍捲寒碧小舫如葉飛洪溝
湘靈霞佩跨黃鶴洞庭玉笛橫清秋沈寥突兀不可狀開
闔風雨晴煙浮空中一一都照見照見今來古往絲粟無
限愁夜郎逐客心膽大醉欲槌碎醒又休此山此水長不
老英雄消盡山水留何當大雪夜明月摩挲老眼看九州
春風吹雪變紅綿牛羊被野邊無憂

飲馬長城窟

飲馬長城窟下見征人骨長城窟雖淡見骨不見心誰知
征人心怨殺秦至今北邊風打山草地荒漫漫五月方見
青七月霜便寒古來無井飲資帶糧盡乾自從征人掘此
窟戍馬飲之如飛翰朝呷一口水暮破千重關秦皇極是
無道理長城萬里誰能比

樵歌三首

上山斲山山下登下山嵌山山稜層秋殘日暮歸來晚茅
簷洗脚月又明明朝早入芙蓉城
入城不識公與卿行歌道上傍無人衣衫藍縷鶉百結與
妻索笑妻生嗔那知不是朱買臣
山拗築著牧牛兒白石鑿鑿蒙茸披繆公無人甯戚死獨
吹簫粟誰得知不如採樵同路歸

採桑曲

晴採桑雨採桑田頭陌上家家忙去年養蠶千分熟蠶姑
只著麻衣裳

天高高

天高高兮色青青夜沉沉兮星熒熒不知余命何所繫兮

何星

送友人之淮

積得讀書身從教此道貧逢秋為遠客知已是何人天下
方多事西風至不仁但於登眺處杯酒莫辭頻

歸去好

歸去豈不好平田帶淺林春猿鳴雪潤晴日轉雲岑世久
無鳴犢時當學展禽台生今老矣梁甫豈能吟

病後

漸嬾說功名修真喜道經淒涼秋聽雨空澗夜觀星有病
色先見無心夢最靈塔前風葉響還又感飄零

餘杭道上

五年茲路上頻往又頻還歲月孤松老風霜苦竹班溪流

天目水雲出洞霄山馬上因閒眺蟬蛸宇宙間

餘杭界早發

早發促程期籃輿帶月低山中如白晝斗下渡清溪羣動
霜初落四鄰雞未啼惟聞兵遞舖星急過淮西

喜靜

素來嫌僻靜今漸與相安師友凋零盡年時出處難春風
雙屐暖夜雨一燈寒洙泗曾顏輩何曾作好官

宿洞霄山中

入山時八月嵐氣似淡冬巖洞生風雨窠巢落檜松山中
九重鎖月下一聲鐘警省非人世今秋得與逢

宿虎丘

到晚歸不去因而此宿休雲淡千古寺月冷一天秋崖裂

池如束天虛墦欲浮最宜初日上高處看煙收

登荆南城樓

因為古荆州翻成一段愁孟嘉曾落帽王粲此登樓唐鄧通襄路沱潛並漢流太平官府盛昔日欠來遊

再登南樓

客中重上倚層臺天濶雲收八面開鴈帶岳陽秋曉過浪涵巴峽影西來諸營種柳今何在老子登樓得幾回自是江山雄壯處興亡不必問寒灰

自黃山還途中作

屈指還京十日程每逢歇處問村名春沙脉脉溪初漲夜雨垂垂曉又晴山下有人傳虎出店中炊飯見牛鳴天涯行客無寧日不及田家業在耕

卜居

久欲謀歸力不任浮雲蹤跡謾巢林功名未入屠龍手貧賤常懷買鶴心月下開門微雨過樓頭聞笛二更深世間萬事俱陳迹空倚西風閱古今

爛柯山

春風萬古洞門開塵世興亡是幾回碁局至今無處覓樵人於此遇仙來飛梁橫跨丹虹影絕頂平鋪白玉堆天下紛紛無好著斜陽下嶺共徘徊

荆南別賈制書東歸

來時秋雨滿江樓歸日春風度客舟回首荆南天一角月明吹笛下揚州

送友人之鄂

湖海聲名落摺紳由江而鄂翅鱗鱗煩君黃鶴樓頭看天
下英雄賸幾人

晚春卽事

輕寒時節牡丹開葉底青青又見梅門外數
以楊柳薄一
春鶯燕不曾來

荆江口望見君山

荆江江口望漫漫一白無邊夕照寒只是青雲浮水上教
人錯認作山看

虎丘尹和靖書院示開講

從前聽者少是日聽者多

和靖書堂八面開新添半席在山隈若無人聽都歸去傳
語生公借石來

晞髮集鈔

正八

謝翱字臯羽慕屈平托遠遊乃號晞髮子福之長溪人
文丞相開府延平翱以布衣諮議叅軍天祥卒亡匿所
至輒感哭挾酒登浙江子陵釣臺設天祥主亭隅再拜
號哭以竹如意擊石歌曰魂朝往兮何極莫歸來兮關
水黑化爲朱鳥兮有味焉食歌畢竹石俱碎詳西臺慟
哭記欲爲文冢瘞之臺南後往來杭睦間與方韶卿鳳
吳子善思齊等厚乙未以肺疾死囑妻劉以文與骨授
之方有許劌錄其會友之所名汝社取晚而信也每執
筆遐思身與天地俱忘語人曰用志不分鬼神將避之
古詩頡頏昌谷近體則卓鍊沈着非長吉所及也

宋鏡歌鼓吹曲

晞髮集鈔

太祖嘗微時歌日出其後卒平僭亂證於日為日離

海第一

日離海青瞳矐沃以積水涵蒼穹神光隱豹霧空氣呼吸
為蛇龍赤雲衣紫霓從吹白衆宿歌大風天吳遁清海宮

右日離海十四句句十二句句三字二句句四字

宋既受天命為下所推戴懲五季亂誓將整師秋毫

無所犯為天馬黃第二

天馬黃產異方龍為馬白照夜氣汗雲聲篳野備法衣引
宸駕騰天垠倏變化閔之餘廟以霸閭八姓瞬代謝駟祥
靈入罟獲皇上帝監于下誓無譁出既禡市日中不易賈
坐明堂朝諸夏賚萬方錫純嘏

右天馬黃二十六句句三字

宋既有天下李筠懷不軌據壺關以叛王師討平之

為征黎第三

黎之桎彌蒼莽迤壺關屬上黨有雄矯健曰餘宿將于故
之思泣示厥像倚孽狐勢方張辨臣獻議勸下太行趨懷
孟虎牢計之上爭洛邑以東鄉王師奄至扼其吭帝授方
畧中厥狀獸窮駭突死卒以煬脅從已逮孥肆放凱歌回
皇威暢

太行依吳械讀如輩行之行

右征黎二十六句句十四句句三字十一句句四字一句

句五字

上親征李重進至廣陵臨其城拔之為上臨壙第四
上臨壙戈耀日韎韋指顧流電疾舉止其魁不及卒其魁
則頑曰予號日出坐于轅門斧以率歸子往諭泣股栗語

中其肝至畢述待不及屏沮回適鞠投于燎甘所即皇仁
閔下焉如字止蹕貌貅微竈歸數實獲其棘矢納世室

右臨墉二十四句句十二句句三十一句句四十一
句句五十一

湖湘亂命將拯之至江陵周保權已平賊出軍澧南
以拒卒取滅亡為軍澧南第五

軍澧南潰飛鳥鷹隼北來龍蛇夭矯帝有初命奉致討臨
於荆妖孽既掃駟而孕雉入蒼莽以保王旅長駟颯振
槁以仁易暴戒擊剽惟荆衡及郴士如林磔其節蠶春葩
秋陰我有造于南心式敷德音

右軍澧南二十句句七句句三十一句句四十一句句五
十一

王師拯湖湘道渚宮高繼冲懼出迎悉以其版籍來
上為隣之震第六

隣之震震于戶戒登陴徹守御神威掩至不及拒泐楚以
南菁茅宿莽獻于王吏奉厥土天子有詔侯西楚自南北
東皆我疆龍旗虎節拜降王秦戈鞞甲期韜藏冕旒當中
垂衣裳

右隣之震二十句句十一句句三十一句句四十一

蜀主景懼陰結太原獲其謀六師征之景至以母託
上許歸母數日景卒母以酒酹地因不食亦卒為
母思悲第七

母思悲母于歸母聞帝語妾歸無所妾生并土蜀壘芒芒
奄失其疆初帝謂母子景來小者侯大者王有瘼其肌載

粟子剗畢有下土方歸母于鄉天不女奪朕言不忘
右母思悲十六句句五句句三句句三句句四句句五
字

劉錕亂嶺南爲象陳以拒王師象奔蹠反踐俘錕以
獻爲象之奔第八

象之奔斯惟跡蹶蹶魚麗駕空雲鳥潰南草浮浮順於貔
貅焚其帑實弃朕阨皇風播平聲霧星辰起皆北走唐季
以來逆雛來味嶺海肅清無留後于汴獻囚凱歌奏

右象之奔十八句句八句句三句句四句句四句
上命將平南唐誓城陷毋得輒戮一人衆咸聽命爲

征誓第九

帝命將臣誓師于征伯馮牙于庭曰無劉我人曲阿惟唐

以及豫章孽于南國楚粵是疆我師孔武聿禽其王始怒
額額將臣不懌曰如上命卽起予疾弓韜于衣刃以不血
收其石程焚其侈淫視于丁寧箬羽不飲平取其鑄磬平
以獻于京于廟告成垓埏旣平

右征誓二十四句句二十三句句四句句一句句五字

錢氏奄有吳越朝會貢獻不絕于道至是以版圖歸

職方爲版圖歸第十

版圖歸歸職方昔服附注備戎行帝錫之旆龍鳥章酌獻
命與胥今上及秦王外臣拜稽首笑頷帝色康畢同軌來
於梁羣靈奕奕敷重光願止劍履觀帶裳四海臣妾配虞
唐

右版圖歸十八句句九句句三句句五句句四句句四句句五

字

陳洪進初隸南唐崎嶇得達于天子至是籍其國封

略來獻為附庸畢第十一

清源無諸邦力弱臣秣陵間道遣進表九門望日旌願齒
鄒與郕自達天子庭四隣彫霸業國除洗天兵皇靈暢遐
外蠻俗邇聲明歸其所隸州乞身奉朝請音帝命得陪祀
湯沐在王城從茲附庸畢歌以頌河清

右附庸畢十六句句五字

太祖征河東班師以伐功遺太宗卒成其志為上之

回第十二

上之回舞干戚鳴鸞在鏹士飽力桴鼓轟騰罕山北餘刃
恢恢軍容肅穆王畿主辰參後服神繼聖伐功卒扼以偏

師斷北矢叢鳴房蝟集的質子援絕親銜壁并俗嘖嘖

附于化以安得其屈產歸帝憫四君長來稱藩籥節

樂示子孫

右上之回二十六句句十三句句三字十二句句四字一

句句五字

宋騎吹曲

親征曲第一

雲屯列竈駟貔貅殿前殺馬祭蚩尤勾陳蒼蒼太白濕賊
帳夢驚遠營日軍呼萬歲摧太行華留東抹流電光重華
繼堯坐垂拱并土再駕無葛疆

回鑾曲第二

建隆親征回鑾二之一

希美少

徂暑黎陽車駕歸掃清氛翳兵更衣江都朔雲車駕出凱
歌消水供尚食都人引領望翠華征人一月俱還家

開寶親征回鑾二之二

長堤夜幸士素飽孤城沈竈無飛鳥從征鹵簿拜上恩太
常朝上回鑾表

太平興國回鑾二之三

都人望氣歸瑤闕星掃茸頭落參伐西人冉冉留紫雲六
飛擁日歌回軍

遣將曲第三

平荆湖遣將三之一

天門雷動開風雲內前盡給羽林軍聖人神武授方略斬
將塞旗各駿奔王師所過如時雨洗濯焦枯嚮荆楚重宣

德意吊遺黎素服軍前釋俘虜全家到闕拜上恩詔書爲
築先臣墓

下劔門遣將三之二

神風流霆馭偃草天兵夜下西南道虎賁長戟來鳳州歸
峽銜枚疾如掃廟謨萬里諭諸將山川曲折圖形狀天同
鬼授契若符坐減累憇虜供帳歸來論功授節鎮饒鼓殿
前歌破陣

歸朝曲第四

南平王歸朝四之一

荆南萬里朝天道巫女雲荒產芳草錦韉道賜帶盤鴨方
物南來進龍腦願陪郊祀依日光供帳歸朝親奉表勳階
邑食及隸人移鎮徐戎作家廟人生富貴侯與王四海爲

家皆故鄉

吳越王妃歸朝四之二

勾吳月令牽牛中妃以開寶九年三月隨王入朝翟茀乘風來闕宮隨王
劍履朝上殿黃門夜趣長春宴昭容引班入內朝龍袞當
中開雉扇宴罷朝辭生局促詔賜離宮作湯沐先王烝嘗
澤有差上恩許歌陌上花

諭歸朝曲第五

淮南草濕網蟲露家在先朝父尚主真人御極四海歸偃
蹇不朝稱節度夜侍鐵券為爾賜上恩特遣儀鑾使神離
魄奪取族夷功臣致命錫龍旂

李侍中妾歌第六

李筠愛將唯儋珪美人姓劉筠侍兒城危槍撥不得力兩
損鉛華帳下啼擁髻前言馬有幾猶說閨中血
從東乘日車火繞城門內蛇死英雄際會風雲

報羅裳恩

孟蜀李夫人詞第七

春荒曲薄蠶叢土屈狄歸朝唐官家呼母口
閣并門無處所一作淚如雨故衣升屋棺四繞出門哭
道回腸酌酒三致辭巴蜀如歸化啼鳥老身不食

鹵簿臨門拜上恩

南唐奉使曲第八

孤城圍中拜右史侍書猶對重瞳子請行慷慨期緩師
命日馳三百里河流迤邐風車北首便殿蒙恩引天
有血不濺衣寸舌欲存建王後齊綱如江湧崔嵬

得天顏回

伎女洗藍曲第九

後庭朱黃作衣裏伎女帳帷
此洗藍滄露水外間學染因
寄生產鷓尾空憶宮中鳥銜

邸吏謁故主曲第十

嶺南使鶴日教戰巫女才人
士盜船去不還夢見墮俘上
置邸本先王方物入朝緣此
人舊姓龐淚辭嶺海無歸處

烏栖曲擬張司業

吳宮草淡四五月破楚門開

誰相見南橈欲 遠遊冠衛
邸道謁淒涼唯故吏自言
含咽滄灑江况乃園
回江陵住

來把弓墮弓弦越羅如粟越

出屋井水淺樨樹花萎子如

宮吳女愁

廢居行

海濤翻空秋草短白蛇入窠
婦夜向船 產歸來多雨 生魚穴蟲祝子 樞隣家
置屋供官役買得沂王園今

古釵歎

刑徒鬼火去 心息婦堆前 癩齊發白煙淚濕樵 丈來拾
得慈獻陵中髮 長七尺光照地髮下宛轉金釵 二持歸
薰沐置高堂包裹恐為神所將 妻兒朝拜復莫拜 冉冉
病不得瘥省知天物厭凡庸 夜送白龍潭水中扣頭却

所免死永入幽宮伴龍子

遠遊篇寄府教景熙

朝遊扶桑根不折拂日枝昔食楚萍實掬海見虹霓黃
別我影目盡漢水湄况復修其子風露何當歸飄蕭軟
叢零落紫苔衣夢魂知爾處落羽在瑤池

瓊花引

后土祠前車馬道天人種花無瑤草英雲蕊珠欵上
半黃門催進表酒香浮春露沈泥二十四橋
吹雪月墮地幾人不得揚州死孤貞抱一不
風曉無蹟蒼苔染根煙雨泣歲久遊魂化為碧

秋日擬塞上詞

落日燉煌北妖星太白

沙磧帳下玉

復吹草嘶馬未知道醉後聞塔鈴 天忽如掃野駝尋水
向月行露下 兒食秋棗

故園秋日曲四首

空園久閉無人住城鳥應入巢其樹食盡滿園綠荔枝引
雛飛去人始知

茅茨竹外煙火青杉鷄啁晰向田鳴家家紅鹽殷新杵綠
樹褰劊子如雨

龍蛇已去荒窟宅翻藕人人下劊池岸池藕盡無浮葉惟
有青青榕樹枝

粵王山下霧如雨吹入羅襟楚女啼身逐千艘落南去惟
有檣鳥飛向西

咄咄復咄咄

咄咄復咄咄野風吹雲起草盛竹塵陰陰不見山鷄飛上
樹海沒鷗人間舊事新白頭淮南小兒未識愁淮南老翁
叫無力瓦盆盛水看日食

賦得建業水

建業水秋風動揚子魚龍夜落星斗南潮沒潮生蒼鶻起
他年冠蓋物具美風吹小船入城市潮去不來風日死白
浪黃塵煙霧裏中有長魚食鱸鮓解后食魚何處是西上
國門望武昌風雨徙魚來漢陽武昌魚勞聚寒慘太白入
月魚腦減武昌城頭鼓統統

賦得北府酒

北府酒吹濕宮城柳柳枝着地春垂垂祗管人間新別離
離情欲斷江水語女兒連臂歌白紵淮南神仙來酒坊甲

獵獵羽林郎百年風物煙塵蒼老兵對月猶舉觴青帘

淚濕女墻下曾識行軍舊司馬

飛僊引遊沃州水簾谷作

赤城名門桃花尾濕浸蘼蕪洗蒼耳小支善提海上來天
風吹下谷簾水斜珠界左轉復右華蓋縣肝三葉紫內間
肉芝承乳流鬼母僊姝臨洗胃蒼龜守關朝太微色阻讒
神誣奏事海桑男子在謫籍驅鹿行車閏年至

島上曲二首

皮帶墨鱗身卉衣晚隨鬼渡水燈微石門犬吠聞人語知
在海南種蛤歸
夫招賈客歲經遼自到城中賣織綃卻買鉛華采珠母檳
榔露下月中調

花卿冢行

山谷云花卿冢在丹陵之東館鎮至今猶有英氣血食其鄉

濕雲模糊埋秋空雨青沙白丹陵東莓苔陰陰草茸茸上
云是花卿古來冢花卿舊事人所知花卿古冢知者誰精
靈未歸白日西廟鴉啄肉枝上啼絲州柘黃魂正飛

和靖墓

山中處士白麻履死後無書獻天子青童玄鶴書上天夜
下玉棺葬湖水湖隄四合葑如髮芳樹玲瓏倚春雪百年
鳳舞雲霧空玉腕人間出句越宮嵐塔雨恍如失飛網繞
湖冠聚鷓鴣琳宇焚芝秋寂歷斗下無人祠太乙

送人歸易傷

湖邊老屋墻壓籬饑鴉啄雪枝上啼湖中葑田產菰米莒
蒲花開照湖水蒺藜老翁呼不起曾入東宮教皇子文雅
風流俱掃地瓦磚擲人老兵醉後園小坊近市屢借人樗
蒲無稅錢君歸故里何所憐

句章見月食

穀州見月如魚口沫聚痕消暗牕鄞城見月如破臼弃
藥含垢掛南斗龍蛇伏氣諸腦空水中睡失羣陰母其間
海禽獨夜啼黑雲赴海同奔岸市人識母不識父擊碎摧
扉救月死况值蕤賓月十五千神附甲支在子孤子哀吟
離楚尾汨落荒江吊南紀猶憶秦淮哭日年不敢仰視看
盆水

避暑崇法寺

城南古寺涼生處草色遙連孝子墓碁局雨生苔蘚文袈
裘晴挂芭蕉樹自昔闍黎修白業會公唯與舒王接只今
塵土影堂空石上猶鐫麻紙帖

夏日游玉几山中

曳舟來山中出郭稅吾駕獨慕欣衆勝晨發乃及夜豈無
城中山愛此足幽野橫陳玉几峰隱護碧殿瓦并州古男
子禮塔於此舍而我飲水人猶爲內熱者擬攜桃枝笮舒
卷得餉暇明席織海草因之一枕藉冷風吹雪空相與坐
其下

觀水

積陰生壑雨野水學江流對屋見燈火相望南渡頭浮槎
到高樹白龜起滄洲變怪若不測神功安能尤稍退見漚
渌及來痕沫收崩濤出白石隱隱如博投水楊洗荒根素
髮生古愁見此倏若化故流還膠舟荒源不可詰欲盡山
雲求

池上蔬

浮萍隨漲水上到荷葉端水退不得下猶粘花萼間花殷
青已見葉翠枯始斑何如根在水根蒂相團團人生慕高
遠風雲事躋攀絕鬢尚號叫化爲鶴與猿幸未及枯槁萬
里吾當還

贈寫照唐子良

吳中衆史今代畫不獨畫人兼畫馬唐生家住金華雲對
予獨寫畫古人夕陽西下東流水紛紛古人呼不起東都
留守吳中豪王府勳僚舊俊髦當時氣薄陰山日勾陳蒼

蒼太白高百年水竭海塵上誰見凌煙拂蛛網霜髯磔磔
開清新彷彿猶帶黃河水忽疑稍會怒色止或可從傍窺
諫紙唐生見我淚如洗頗憶古人今不死俟我氣定神始
閒命筆更起唐衣冠

九日

秋風颯以至今日重陽日眼明對南山尚想陶彭澤向來
建威幕頗見有此客驅車不小留駕言公田秣一朝又棄
去此意誰能識寄奴趣殊禮風旨來自北只今王江州建
國功第一故是何珉孫舉動良足惜飲愧望柴桑稍以自
渝滌殷勒白衣餉猶恐不我卽中路候籃輿要致已甚迫
葛中赤兩脚頽然向林宅此翁本坦蕩焉能苦違物雖然
可計取中實未易屈華軒又何羨自載返蓬蓽終身書甲

子往往義形色如使磷與緇安得爲玉雪籬邊菊弄黃粲
粲正堪摘我方持空觴千載高風激

雜言送鄭主簿炎之官昌化

鄭嘗兩請福州文解皆爲詞賦第一

劉先生名肩吾閩中詞賦天下無當年戰藝誇顏色進士
出身兩回得盧公里人正在朝相見相逢九官宅余時猶
弱起慨忼謂此未足榮其鄉丈夫事業在簡冊要令姓字
留耿光繼聞鄭君年最少人物氣象尤堂堂白鹿山南介
公後禽蛟兩祭獅子王夢魂欲見無由據側荔芭蕉春復
暮時移乃爾來雪間因作廣文求主簿顧予多病溢語言
面垢毛雋著麻布山中乞食城中歸徵詩送贈非所宜已
聞之戍嚮昌化此地人傳多畏怕龍居嗜燕煙入巢病甲

垂欄腥雨下又聞山鬼吹燈夜來向人家避官舍君持何
術徑往居此無百憂便將天雷斧柄塞鬼穴巫山鐵鏃沈
龍湫祗足自亂不得休豈知從心致禱動幽隱使龍無嗜
鬼無愁不知君能致此不龍不須醑以酒鬼不須祭以肉
秋旗卷雨曉案煙時向縣齋望天日一作龍不須鍼以從

擬古

翔鱗化海鳧不見腦中石人生弃井邑寄處終爲客常懷
墳墓思永夜良跼踖秋風吹蓬顆索索如布奕上爲考與
曾下爲叔與伯豈無故鬼悲翻念遠行役服藥得神仙去
後唯留跡忽夢南遊雲相逐孤飛翮

五日山中

東隣拔蒲根南隣燒艾葉艾葉出青煙蒲根香勝雪乾坤

生燐火陰碧朔月光煙隨艾葉散進此菖蒲觴蒲觴益齒
髮齒白髮如漆餘飲不盡噐置之五七日五日化爲丹七
日化爲碧一服一千年令人生羽翼

鐵如意

仙客五六月月下鬪婆娑散影若雲霧遺音杳江河其一
起楚舞一起作楚歌雙執鐵如意擊碎珊瑚柯一人奪執
之睨者一人過更舞又一人相向屢傴僂一人獨撫掌身
往青薜蘿夜長天籟絕宛轉愁奈何

萍間穉荷效王司馬體

初萍半含絮頃刻開數畝荷生浮其間風雨足解后百年
遊子心欲作千歲久昔爲浮萍根今爲穉荷藕荷高刺已
生魚遊觸其首離離荷下萍吹向白魚口

效孟郊體

閒庭生柏影荇藻交行路忽忽如有人起視不見處牽牛
 秋正中海白夜疑曙野風吹空巢波濤在孤樹
 落葉昔日雨地上僅可數今雨落葉處可數還在樹不愁
 繞樹飛愁有空枝垂天涯風雨心雜佩光陸離感此畢宇
 宙涕零無所之寒花飄夕暉美人啼秋衣不染根與髮良
 藥空爾為

近體二首

南雁去來盡音書不可憑應過蠻嶺瘴聞拊楚臣膺滄海

沉秦壁愁雲起舜陵可堪魂夢在回首舊觚稜
 月離孤嶂雨尋夢下山川野塚埋鸚鵡殘碑哭杜鵑妓收
 中使客民買內醫田到此聞隣笛離情重惘然

憶梁禮部椅

閒庭芳桂叢相憶瞻雲空文字能娛老莓苔此與同青山
 明月下家口少微東歲晚西莊路柴門語自工

拜玄英先生畫像

來此得公真塵埃避隱淪水生溪榜夕苔卧野衣春雨冢
 侵吳甸荒祠侑漢人微吟值衰世為爾獨傷神

送汪十

多年隱賣漿此去結山房掃菌侵花落種松如草長老期
 秋欲至貧味水初嘗歲晚逢樵獵音書定不忘

悼南上人

翻經卷未終聞打寂時鐘盡說他身在唯應外國逢錫聲
歸後夜琴意滿諸峰憶昨夜禪處湖雲起白龍

元日讀老子望瀑作

空山無轍迹懸水下分洪醉醒聽猶在寒暄色不同異書
天姥秘靈物乳池空祗憶殘年雨先流到海中

哭所知

總戎臨百粵花鳥瘴江村落日失滄海寒風上薊門雨青
餘化碧林黑見歸魂欲哭山陽笛隣人亦不存

呈王尚書應麟

寒風吹鬢影客淚濕衣塵千里見積水滿城無故人船歌
甌雪盡劍舞越花新獨憶絲綸老相從話所親

山陰道中呈鄭正樸翁

楊柳遠天色野風來水涯異鄉同夢客今雨故人家越樹
夜啼鳥禹陵冬落花悠悠海意爲爾鬢先華

送毛耳翁之湘南

湘草碧於水王孫尚此留一身行萬里雙鬢集諸愁月落
嶽雲曙龍逃海雨秋可能無事業相見竟悠悠

寒食姑蘇道中

頻年感烟草荒塚幾人耕吳楚逢寒食山村見獨行天陰
月不死江晚汝徐生到海征帆影悠悠識此情

別子靜却送之雪

獨往知吾事語離何所求故家無別業殘夢下扁舟積葉
吳宮冷嗟猿顧渚秋那能不相待羈旅負清遊

八詠樓

江山此愁絕寒角夢中吹飛鳥過帆影遊塵空戟枝水交
明月動槎狀故洲移已薄齊梁士猶吟沈約詩

至日憶山中客

山村雲物外至朔閏年愁獨客語茅屋樵人共白頭驛花
殘楚水烽火到交州欲隱裂裳帛春來重結裘

懷峨嵋家先生

露下濕百草病思生積愁窟泉春洗屐檀雪莫過樓魂夢
來巴峽衣冠老代州平生仗忠信心自與身仇

哭廣信謝公

自爾逃名姓終喪哭水濱海僧疑見貌山鬼舊為隣客死
留衣物囊空出告身他年越鄉值賣卜有斯人

雨夜呈契卿

相看隴水雲一夕幾回分預恐今宵雨他年獨自聞野花
同楚越江靄雜朝暉不得鋤芝朮逢樵却寄君

暮春感興

天涯芳草夢此意未應泯獨對風烟老虛為江海人漁樵
分落日櫻筍過殘春舉世無知己他生應逐臣

秋日憶過秦國公主園

野影林樾盡山昏瓦塔齊涼宵風雨過一雁西南啼嵐霧
洗巾悅井泉生蒺藜傷心拂塵塵衣淚濕空綈

用韻酬友人憶寄

麻衣拂市塵外事不干貧野氣生寒井天陰壓莫春閒身
分楚鞠白髮作吳人已斷蘼蕪徑青鞋憶寄頻

鼓子花

塵濕西風淚滿西影見君碧衣羞遠日天夢冷秋雲蔓引
山精徑籬依楚女墳海邊逢賣藥采實故應分

山寺送翁景芳歸觀

弱雲竹水瀟葉影碧離離野別如秋夢他宵獨爾思林殘
西域果鐘動下方棋可得朝還莫相看長在茲

寄朱仁中

聞君經亂後居處畏山顛家在聚如客糧餘食帶烟戍鴉
分落日燒草共殘年因憶先丘隴于今是極邊

西臺哭所思

殘年哭知己白日下荒臺淚落吳江水隨潮到海迴故衣
猶染碧后上不憐才未老山中客唯應賦八哀

槿樹

白犬吠行人西風杵臼新洗香澄宿水曝髮向秋隣野草
依溝盡宮花入帽頻人家小門徑憐爾獨相親

哭肖齋李先生

落日夢江海呼天野水涯百年唯此死孤劍託全家血染
楚花碧魂歸蜀日斜能令感恩者狼籍樹荒遐

遊釣臺

百臺臨釣渚遺像在蒼烟有客隨槎到無僧依樹禪風塵
侵祭器樵獵避兵船應有前朝蹟看碑數漢年

過孫君文舊避地處

相逢還自欠相見盡天涯隣壤初移戍空山此寄家剪茸
春過鹿伐竹舊燒畬去後餘荒槿依溝結影斜

韶卿住鳥傷寄劉元益

他日憶逢君林中訪惠勤鹿麕行處見流水別時聞草沒
秦人家山通越國雲音書年歲失莫訝白鷗群

魯國圖詩并序

翺嘗乘舟至鄞望海上島無數其民多卉服過蛟
門登候潮山被髮楚歌歌罷輟復哭思夫子浮海
居夷之義至定海學故石刻盡仆泥淖中新刻復
闕苻讀卽怏怏乃汲水洗故刻得紹興間邑令趙
所傳魯圖自云齊梁父諸山川至洙泗間巷里廟
社井墓歷歷如指諸掌遂摹其本歸過浦汭方君
景山與枯人吳思齊率其徒爲講經社得思陵所
贊天子像揭于庭朔望拜進退與俯殊習乞翔所

摹圖與像對翺喜而歸之且書其後爲之詩曰

秋風嶽下城海客見圖新樹入舞雩里水來浮磬濱東封
餘葦路西狩問虞人被髮逢夫二狂歌作放民

萬松道中望南太白

筍輿行萬山中有十里亭老樹祗一色野公逾百齡柴關
當太白藥氣近樵青岡草粘枯翼巢枝落退翎期採幽谷
水共斲松根苓艾納下天雨塵風吹冥冥

峨眉老人別子歌

峨眉有老人奉命過嵩少天風吹西翼冉冉明夕照濕塵
紛墮天髮白更待報有子爲異物不得入家廟慟哭東南
雲相望滄海嶠青鳥年年來寄書久不到

後瓊花引

揚州城門夜宿雪揚州城中哭明月墮枝濕雲故鬼語西
來陰風無健鶻神娥愬空衆芳歇一夕蒼台變華髮宮花
窄簾塵掩轡玉華無因進吳越灘灘淮水山央央誰其死
榘李與姜

邳州哭

邳州哭井水竭云年哭母瘴海熱今年此日來邳州母死
未禪子爲囚邳州土濕淚長在化爲蒼苔色不改雨雨遊
魂歸瘴海

秋風海上曲

秋風吹水龍上天龍女抱珠海底眠水花生雲起如葑神
龍下宿藕絲孔巨鼈鼻鬣隨赤魚鱗鬣陳旂旗海人
見此失操網歸對妻兒月自言移家來債中十載秋

風潮不上老夫一人語門前見此已是開皇年

古別離

仙人別母母哭啼遺以神藥乃醉之醒來哭定記兒語食
此庭前雙橘樹葉能禦饑病能愈豈似當時逐兒去隣翁
有女立我前取刀剖腹爾勿憐但爾嫁夫能治出生子不
願生神仙

冬青樹引別玉潛

冬青樹山南陞九日靈禽居上枝知君種年星在尾根到
九泉護龍隨恒星晝實夜不見七度山南與鬼戰願君此
心無所移此樹終有開花時山南金粟見離離白衣人拜
樹下起靈禽啄粟枝上飛

小元祐歌寄劉君鼎

希安寺少

前甲子小元祐句章被黑權臣死端平天子初改紀龔芳
泰陵種蘭芷當秋淮甸枯草黃彎弧北向射天浪孤南星
光天狗墮入蔡生擒完顏王是年南海無波浪月濕珠胎
君以降只今六十空白頭獨騎麒麟補春秋天回星周美
惡復人世更傳蔡州錄

雨飲玲瓏巖下

垂雲起嶽嵌衣被松與桂夜含星斗光隱若金石氣雨來
輒阻之不得撫蒼翠下有桑門子飲用陶匏器盆中蓄海
石左顧如牡礪疑此磧上來不知幾年歲桑門却問客所
居何姓氏回指南海峯蒼茫倘一至

翠鍊亭遊

兩亭有魏王妃所題字尚新王嘗以皇
成德軍節度使鎮明故紀至其處

客右山衣著久如薛荔行行萬翠亭忽作風雨憇仰面

所所靚梁間有題字問此何人書姚婉有弱氣云昔魏王
妃學書似李衛乘雲到此山洒墨在空翠塵風吹土花條
忽景物異疑此夢與仙不類人間世

過舒臨海故宅

破壁濕海蘚水邊日氣蒸云是舒公宅其孫艾且仁昔公
初作尉視事即斬入上書稱臣竄待罪滄海濱天子有詔
至汝亶可治民爾時荆文公上方邑之郛聞此輒異之久
會公秉釣謂此非狂狷引用至中丞立朝思蹇謬庶以報
君親蘇公下詔獄讒者用事新於此與有力豈爲重其身
晴風吹海雨山川尚橫陳俛仰勿太息徒爲驚爾隣

有洗舊誥綾作青色嚮將以爲緣以緝繒易得之作
手卷賦小樂章求好事書其後

吳宮輦路傷行客，繭水壓雲凝碧色。門前新掃染家隣，借
人鋪設殘衣帛。宮花剪綾連院號，覆取翻看成一道織紋。
宛轉勅字新知是初誰，六尺誥城霞失彩。宮籛病中與海
圖，上衣領改顏倖售。緣所遭褪藥玄香洗，藍影青綢易得
淚承曉擊筑。楚歌無故業，歌殘求書好事人。異代倘傳誥
綾帖。

雪中方四隱君訪宿有詩憶鹿田風雨舊遊奉和併

呈吳六贊府

金華入北山，空響出靜岵。鹿田在其顛，肺石來風雨。有客
六七人，昔遊至其處。唯我愁不眠，起坐蹴君語。謂此定向
聲百感，生離緒。旣非琴與瑟，復與佔將杵。醉者呼不應，愁
者自爲苦。空羈怯孤衾，展轉如巢樹。濕歌散餘悲，以足附
柱礎。爾來又七年，欲至困羈旅。傳聞老桑門，已復蟬蛻去。
入山惡少年，巾鉢空其聚。乃知人世間，何者爲客主。而我
同懷人，忽復異處所。夢中遙相望，各抱不售賈。有客不同
遊，亦是同懷者。地至况有期，輿馬不待假。倘覩宿山中，畸
人不應舍。

送袁太初歸剡原袁來杭宿傳法寺寺在德壽宮北

今行路及園卽宮舊址

大雷山下鄞江口，石濕落星海涵斗。莓苔鎖窓居鬼神，散
髮天衣夜行酒。百年綺語墮凡塵，劉公不還謝公走。祇今
零落三秋霜，猶說先朝人物藪。道逢袁家美，年少欲挽吳
潮歸。兩袖自言學出戴君門，又說舒君忘年友。舒君白頭
爪塵垢，戴君業成衣露肘。君來何處覓知音，弔古淒涼無

老叟出門擇語歸計餐顧忌慚皇無不有不如歸食空江
槎初生淡菜如珠母風帆送客來夷洲白恰青衫談不朽
君不見君今宿寺多鄞僧耆舊能言幾人在隔牆食柏秋
麝過廢石坡陁舊南內

擬古寄何大卿三首

雄雌雙碧雞所食琪樹藹來棲藥洞中當春怕孔子其雌
秋別時守此唯雄耳可憐銜子歸萬里渡海水
石間道人影見者恒髣髴浮雲過到仙與語呼之出身亦
竟不出影亦竟不沒含涕謝仙人天地此終罪
山人食木實竹實以飼鳳聞此來空烟三載脫塵鞿不見
玉笙音唯聞溪鳥弄西臺憶故人野祭忽如夢仰視浮雲
馳不覺哭之慟

晞髮近藁鈔

天地間集附

又八三

福唐黃坤五語余晞髮集近世行本多遺漏曾抄畜二
十餘首皆刻板所無余聞之心往恨其不攜行笈得一
見也從子愚忠自茗上潘氏抄得晞髮近藁一帙爲發
狂喜原集古詩大半此多作近體屈蟠沉鬱吐茹奇艷
皆世所未覩豈卽黃春坊所謂與然黃云二十餘首而
此編有五十首數旣不合且此署晞髮道人近藁當是
末年未定殘草別爲一卷流傳人間又非刻本零星遺
漏比也然則黃氏二十餘首又不知何詩矣惜春坊云
亡不得一質證之此帙附天地間集十餘首卽臯羽所
編當時諸公詩也按本傳有二卷此亦不完書潘氏藏
本爲陸子傅手蹟有題識子傅名師道吳人

晞髮近藁鈔

過杭州故宮二首

禾黍何人爲守關落花臺殿暗銷魂朝元閣下歸來燕不見前頭鸚鵡言

紫雲樓閣讌流霞今日淒涼佛子家殘照下山花霧散萬年枝上泣袈裟

重過二首

複道垂楊草欲交武林無樹着凌霄野猿引子移來住覆盡花枝翡翠巢
隔江風雨動諸陵無主園池草自春聞說就中誰最泣女冠猶有舊宮人

野望

心遊太古後轉覺此生浮天外知何物山中着得愁岸花

低草色潮水逆江流消長盈虛裏令人白盡頭

無題

天風下黃葉山樹挂綠簑世情逐流水東去無迴波可與語人少不成眠夜多濕雲黏短髮漂泊奈愁何

春閨詞

手觸殘紅頭懶梳香隨蝴蝶上衣裾暖風吹睡無言語又向牀頭看夢書

四皓

冷却秦灰鬢已翁紫芝歌罷落花風若教一出無遺恨莫入畱侯隼嶷中

散髮

乾坤一楚囚散髮向滄州詩病多於馬身閒不似鷗因看

東去水都是夜來愁
晚意落花覺殘枝香更幽

友人自杭回建寄別三首

同來不同去離別暗銷魂
浙若同水扁舟送到門
潮信到嚴瀨水色過衢城
寄潮不寄水潮去有回程
水到衢城盡梅花上嶺生
不如寄明月步步送君行

孤山

又冒晴絲向水涯
寒雲冉冉護中紗
能知綠鬢幾回至
欲作黃冠此處家
已把掖垣等苜舍
不愁封禪對梅花
晚風吹袂過船去看鶴
上天衝碧霞

雪

片片何似無根零
亂花任隨飛到處
不揀是誰家縫密
天如翳檠深樹半
斜城中薪酒貴
羈旅若爲賒

畫秦宮人

宮人字玉姜
秦時逃入山
是爲毛女
漢魏間人猶見之
結草爲衣類鶴翎
初來一味服黃精
宮營幾處啼花山
猶向山中認得聲

織婦歎

待得蠶繭繭上絲
織成送女去
還歸支機本是寒砧石
畱取秋澗自擣衣

商人婦

抱兒來拜月
去日爾初生
已自滿三歲
無人問五行孤燈
寒杵石殘夢遠
鐘聲夜夜鄰家女
吹簫到二更

憶湖上

擾擾忽半月
征衣雜弔塵
頗疑湖上客
不是城中人
岸柳

乘 槩山雲滋濕巾明朝在何處相怪墮凡身

悼古李清

典刑前一輩言語尚風流詩律縛不住梅花惱得愁雲烟
今變滅老病總宜休喚醒菟裘夢嚴城山雨秋

蠟梅

冷艷清香受雪知雨中誰把蠟爲衣
蜜房做就花枝色畱得寒蜂宿不歸

畱別顧君際

萬里行可到詩人吟到難愁來時自語寫出許誰看月落
望如失山空坐更寒此時多少意欲別路漫漫

後桂花引

修月仙人飯玉屑瑤鴨騰騰何處熱吳剛生愁樹合創毫

飄玉芥高枝折此時待罪扣帝庭素娥騎鶴游淡月中
落子如雨星至今收拾無六丁

吳山謁祠

吳山坊頂戴高祠禁地淒涼江水悲却是北人題記壁迤
南耆舊獨無詩

雪後湖堤步歸

無求如有得散策隄邊行山碧眼花亂水寒毛孔生窮冬
疑有雨一雪却成晴勞謝天涯月相隨步入城

梅花

春過江南問故家孤根生夢半槎牙到無香氣飄成雪未
有葉來開盡花

吹老單于月一痕江南知是幾黃昏水仙冷落瓊花死
祇

有南枝尚返魂

往姑蘇與友人別杭州

北闕到吳會煙草亦詩情飲少但知價行疎數問程天陰
月不死江濶水能生別後不得寐相思還二更

雪霽有感

夜長春度夢門雪擁芭籬不倚成山積情知有霽時日高
簷自雨氣上瓦如炊風過梅花濕寒香只戀枝

山中道士

山中道士服朝霞二十修行別故家留客一杯清苦蜜蜂
房知是近梅花

餘杭樵歌

樵斧丁丁響翠微頰肩半脫汗身衣因來避雨巖前洞裹

得山蜂和蜜歸

書文山卷後

魂飛萬里程天地隔幽明死不從公死生如無此生丹心
渾未化碧血已先成無處堪揮淚吾今變姓名

十年

忘却寒溫語相逢一揖休十年只如此今日若爲愁月白
夜亦晝山寒春更秋無情溪濶水只是下灘流

秋夜詞

愁生山外山恨殺樹邊樹隔斷秋月明不使其一處

除夜舟中遇雪

歲月安有限利名心未灰雪飛今夜止潮去隔年來交友
窮中見江山盡處回家人誰念道耳熱不因杯

元旦舟中聽潮

東望拜潮水無家在客船一來仍一往今日又今年有信
從天外緣聲到枕邊海門春樹暖吹浪起晴烟

鷓鴣步尋方元英故居

遺像雙臺下結廬烟水傍子孫今幾世風雨半他鄉山靜
雲眠影葉乾蟲食香高名故相壓吟苦不成章

青蕩亭

青山何處似疑是剡溪傍採蕩無人到生沙滿逕荒水交
難辨色花和不同香歸路逢樵子麻衣草結裳

題酒家壁

綠陰淡處問天涯黃鳥聲中見酒家樹上胡孫摘殘果向
來纔見是春花

正三立春

舟中隔歲話偏似信誰從山帶去年雪春來何處峰移軍
增野竈落磧滅機春明日金華洞牧羊尋故蹤

贈山中友

散策亂山雲值此山林友種松高及身掃葉落隨手斫盡
松上枝縛作山中帚夜夜對西風明月生戶牖

沙岸登舟

五里兒女步虛沙映斷筇雲支半山石帆席上溪風數雁
憐身隻聞鶉願耳聾市橋東畔塔側影夕陽中

僧房疥壁

松樹落釵股曉行猶見燈圓亭方井水老寺少年僧澗響
夜疑雨雲寒春欲層山童錯相認應道我來曾

山居

宿火石中取人烟隔斷霞盜侵鄰壤粟女寄外翁家野樹
刺生葉枯松藤纏花老翁頭未白相對話天涯

望仙都山二首

鼎湖只在柱峰上地險山空不可家山下人居五六月天
風吹雨碧荷花
道人誦經半峰下洞裏山神不敢歸我欲乘風到峰頂摩
翻荷葉作簑衣

疊山

礪魄復崔嵬晴雲撥不開鐘聞上界響石自太湖來靈草
擣爲藥寒松燼作煤欲窮登覽興未到已裴徊

社前

無家借燕住離別又經年客館依山上春分到社前雨來
換宿水雲起暗晴川颯颯吹衣帶因風問去船

艤舟江心寺

數聲清磬出晴暮落木人家散烟霧風送年年江上潮白
雲生根吹不去

歲月

歲月記不得曾行此處村日欲眠石影樹長食藤根晚羨
棲猿鳥春來問子孫勞生空可說不是欲忘言

雪女吟

罨畫溪頭斂翠眉綠楊扶起又低垂春風盡與花爲主不
解庭前百結枝

文房四友歎

兵後四友流落有訪而得之者則頂禿足折笏碎幅裂
自秦以來未見吾黨獲禍如此之慘者是以爲之長太
息云

昆吾莫耶輕毛錐平生故人皆引去剡溪之皙絳色黔獨
與石君作一處中書間起免冠謝輒被溺冠仍嫚罵見幾
自愧後穆生正恐髡春不與赦有時怒髮豎相如熟視蒙
恬挽其鬚泓尤淪棄敢自愛老龜支牀息猶在荆山風雨
朝暮號璞在吾懷足何罪恨不雪耻酬諸姬背水一戰漢
爲池楮生不改舊邊幅三褫何但高閣束客卿騎項百折
磨猶恐玄能赤吾族此時不平義重生陽城裂麻欲死爭
平生國士立橋下誓死守此漆身啞

秋社寄山中故人

燕子來時人送客不堪離別淚沾衣如今爲客秋風裏更
向人家送燕歸

天地間集

寄江南故人

則堂家鉉翁

曾向錢唐住聞鶻憶蜀鄉不知今夕夢到蜀到錢唐

南華山

文山文天祥

北行近千里迴復迷西東行行望南華忽忽如夢中佛化
知幾塵患乃與吾同有形終歸滅不滅惟真空笑看曹溪
水門前坐春風

逢有道者

誰知真患難悟此大光明雲散天仍在風休水自清功名
幾滅性忠孝太勞生此意如能會神仙亦可成

山中夜坐

本心文及翁

悠悠天地間草木獻奇怪投老一蒲團
山中大自在

武夷山中

疊山謝枋得

十年無夢得還家獨立青峰野水涯
天地寂寥山雨歇幾生修得到梅花

溪橋晚興

南谷鄭協

寂莫亭基野渡邊春流平岸草芊芊
一川晚照人間立滿袖楊花聽杜鵑

錢唐晚望

錢唐江上夜潮過秋靜寒烟白露多
吳越青山明月裏舟人齊唱異鄉歌

月夜溪莊訪舊

歸田柴望

山山明月露何處認梅花石色冷疑水
溪流白是沙清吟幽客夢華髮故人家
相見即歸去已應河漢斜

觀水

古為徐直方

滄江無盡水夜夜隨潮去若復作潮來
滄江止不住

橫舟何新之

飛星曳寒影野水淡碧空人生定何物
扁舟空影中何年有宇宙生此木末風
有力不向上難到蓬萊宮空攀棲鶻巢
搔首如飛蓬俯仰慨今昔此懷安可窮

歸去詞

石髓王仲素

種松雨濯髮折筍春墮指長嘯歸去來
滄江一天水

翫月有感

草堂謝鑰

入夜茶甌苦上眉眼花推落石牀碁
舉頭却恨天邊月顛

倒山河作樹枝

退宮人

雲西陸壑

破篋猶存舊賜香
輕將魂夢別昭陽
只知鏡裏春難駐
誰道人間夜更長
父母家貧容不得
君王恩重死難忘
東風二月垂楊柳
猶解飛花入禁牆

散策

菊屋何天定

孤坐忽不樂
出門聊散行
溪喧亂人語
樹偃碍農畊
雨徑莓苔積
陽坡草木明
道逢九十老
相對話承平

西窗

楚處王曼之

西窗枕寒池
池邊老松樹
渴猿下偷泉
見影忽驚去

春日郊行

出門逢柳色
忽過空橋西
坐石看潮長
隔花聞鳥啼
地隨

芳草盡樹與夕陽齊
不是桃源路行人亦自迷

年年

觀山范協

年年如燕一還家
又訪幽居過水涯
風雨滿城春欲暮
山中猶有碧桃花

訪隱者不遇

東窗吳子文

道人入山訪
道人入山深
俗朴雞犬馴
道人不見道人去
毯草木無邊春

采菊

竹坡韓

擷我百結衣
爲君采東籬
半日不盈掬
明朝還滿枝
悠然何處是
千古正如斯

曉起

曉山林景怡

天鷄弄喔咿
殘星在斜漢
整衣出幽扉
山城漏初斷
微微

水風生冉冉田露散此時遊葛天淡然空百羨海色上寒
梢漸識梅花面

晴髮近彙錄
中辭亦懷州詩
平羊吹燕也
贈山京謝
八四

文山詩鈔

文天祥生時夢紫雲故名雲孫天祥其字也寶祐乙卯
以字貢遂改字宋瑞又字履善吉州廬陵人廷對第五
理宗擢第一歷官較書著作郎至兼學士國史院崇政
殿說書玉牒所檢討賈似道以致任要君降詔多諷語
逆賈意奏免始闢文山以居旋起提刑湖南移知贛州
德祐乙亥元兵渡江奉詔起兵除右文殿樞密權兵部
侍郎兵屯洪詔入衛權工部尚書除浙東西制置使江
西安撫大使兼知平江府常州破朝議棄平江趣天祥
移守餘杭進資政殿學士丙子正月伯顏兵至高亭陳
宜中張世傑皆遁乃除右丞相兼樞密至北軍講解遂
爲所畱而臨安降表已出伯顏即脅隨祈請使北行至

京口脫走趨真州謀合兩淮作興復計而制置李庭芝
疑拒之復從揚州逃至高郵嘔崎數瀕死得渡海道至
台溫奉益王於福州改元景炎除觀文殿學士右丞相
不拜以樞密使都督諸路軍事出南劍號召天下繇汀
漳入梅州戰雲都大捷因開府興國元兵大至旋潰妻
妾子女皆陷奔汀移循州端宗崩衛王立於硤川改元
祥興天祥乞移軍入朝而宜中世傑忌阻之第加少保
信國公張弘範破崖山令弘正襲執天祥服腦子二兩
不死繫至燕不屈囚兵馬司者四年而志愈堅會有中
山薛寶住投匿名書指丞相舉事者司天又奏三台
星折乃召至殿中猶欲諭降之語益厲遂遇害衣帶有
贊曰孔曰成仁孟曰取義惟其義盡所以仁至讀聖賢

書所學何事而今而後庶幾無愧詩集不多有指南錄
卷皆奉使脫難興復記事之詩又有吟嘯集則囚燕
所作又獄中集杜詩二百首自指南錄以後與初集格
力相去殊遠志益憤而氣益壯詩不琢而日工此風雅
正教也至其集杜句成詩裁割鎔鑄巧合自然尤千古
擅場今別爲一帙而以指南錄中十八拍附之嗚呼去
今幾五百年讀其詩其面如生其事如在眼者此豈求
之聲調字句間哉

敬和道山堂慶瞻御書韻

墨灑天奎映籀紅斯堂殿閣與俱隆方壺圓嶠神仙宅溫
洛築河造化工列聖文章千載重諸孫聲氣一時同著庭
更有邦人筆稽首承休學二忠著作之庭乃胡忠簡公書

贈祕書王監丞

君不見祕書外監賀放翁鏡湖一曲高清風又不見太子
師傅兩疏氏東門祖帳羅羣公人生晚節良不易頽波直
下誰障東使人知有在我者二三君子爲有功我公金華
山下住赤松安期白雲處風骨細瘦真神仙急流勇退不
肯顧我昔山中想風采幾回擊節歸田疏適來追陪水蒼
佩親見辭歸白雲路御筆擢公領蓬山師表玉立東宮官
兩年苦口一去字未許鷗鷺從公閒瑤池深深鎖策府玉
皇宮闕倚其間暫分赤符管下界半空雲氣常往還多少
持麾辭上國悠悠風塵見此客莫作尋常太守看疏賀以
來偉人物夜瞻婆女次舍中一點光明射南極公歸眠食
重調護世道尚憑公氣力

贈蒲陽卓大著順寧精舍三十韻

人生天地間一死非細事識破此條貫八九分地位趙岐
圖壽藏杜牧擬墓志祭文潛自撰荷鋪伶常醉此等蛻浮
生見解已不易齊物逍遙遊大抵蒙莊意聖門有大法學
者必孔自知生未了了未到知死地原始則返終終始本
一致後來得西銘精蘊發洙泗吾體天地塞吾氣天地帥
一節非踐形終身莫繼志舜功禹顧養參全穎錫類伯奇
令無違申生恭不貳聖賢當其生無日不惴惴彼豈不大
觀何苦勤興寐吾順苟不虧吾寧始無愧人而有所忝曠
達未足智卓哉居士翁方心不姿媚蒙讒以去國七年無
怨懟風雨三間茅松楸接蒼翠斯丘亦樂哉未老先位置
宇宙如許大豈以爲敵屣當其歸去來致命聊自遂天之

生賢才初意豈無為民胞物同與何莫非已累君方仕於朝名高貴所萃乾坤父母身方來日川至西銘一篇書順事為大義請君觀我生姑置末四字

贈鏡湖相士

五月五日楊子江心水鑄作道人雙瞳子吾面碟子大安用鏡照二百里

贈秋月葉相士

急流勇退神仙跛蹙龍鐘將相借問華山山中何似天津橋上

贈桂巖楊相士

榮悴紛紛未可期夕多未振已朝披德剛難免於今世行好須看有驗時萱晝堂前惟有母槐陰庭下豈無兒好官

要做無難做身後生前是兩岐

宣州罷任再贈

貧賤元無富貴思泥塗滑滑總危機世無徐庶不如卧見到淵明便合歸流落丹心天官未嘖嚙青眼古來稀西風為語巖前桂若更多言却又非

贛州再贈

此別重逢又幾時贈君此是第三詩眾人皆醉從教酒獨我無爭且看棋凡事誰能隨物競此心只要有天知自知自有天知得切莫逢人說項斯

贈葉大明

大明標榜葉氏子自稱後村門下士誤言木吉字為災後村曾發一笑來其師流傳說如此寧知禍福乃不爾犀腰

貂首徒勞人甘藜藜藿無苦辛
幾生有命殊六六木李循
環相起伏袖中莫出將相圖
盡洗舊學讀吾書

閒居和雲屋道士

一樽聊共此時心
文字追隨落醉吟
仙子樓臺脩竹外
行人冠蓋畫橋陰
一年芳草東風老
五月空江夜雨深
且作蘭亭歡喜集
更論誰後又誰今

遊青源二首

鍾魚閒日月竹樹老風煙
一徑溪聲滿四山
天影圓無言
都是趣有想便成緣
夢破啼猿雨開元
六百年空庭橫蝶
螭斷碣偃龍蛇
活火參禪荀真泉
透佛茶晚鍾
何處雨春水滿城
花夜影燈前客
江西七祖家

龍霧州覺海寺次李聞溪壁間韻名昂英

闍黎鍾後訪團蒲
江色漫漫晝欲晡
一笛梅邊何滿子
千蓑蘆外筆頭奴
急風吹鴈還家未
新雨生濤到海無
本是白鷗隨浩蕩
野田漂泊不爲孤

山中

滄州棹影荻花涼
欸乃一聲江水長
賴有蓴風堪斫膾
便無花月亦飛觴
山中世已驚東晉
席上人多賦晚唐
何處魚羹不可飯
蚤拚泉石入膏肓

山中謾成東劉方齋

名夢桂居南湖
太師公玄孫

東風解凍出行嬉
一闕煙塵隔翠微
自有溪山真樂地
從來富貴是危機
二三輩行惟須醉
多少公卿未得歸
明日主人酬一座
小船旋網鱖魚肥

送人往湖南

鴈拖秋月洞庭邊客路淒涼野菊天雲隔酒樽橫北海風
吹詩史落西川夜深鬼火千山雪春後鷓鴣花一樹烟為我
祝融峰上看朝暎白處禮蓬仙

別謝愛山

君今拂衣去我獨枕書眠一片過林雨數聲當戶蟬情長
空有恨吟苦不成篇後會知何日西風老雁天

病中作

一病四十日西風草木涼倚牀腰見骨覽鏡眼留眶倦策
吟詩杖頻燒讀易香夜深排果餌乞巧大醫王

又賦

病裏心如故閒中事更生睡猶隨我懶黠鼠向人鳴羽扇
看棋坐黃冠扶杖行燈前翻自喜瘦得此詩清

驟雨知何處一溪秋水生苦吟肩鶴瘦多病耳蟬鳴隱几
惟便睡挑包正倦行山深明月夜乞我半窗清
寄興逃吾病吟詩老此生風高鴻雁起晴久鴉鳩鳴野樹
辭秋落溪雲帶雨行晚涼便懶坐移傍竹陰清

曉起

遠寺鳴金鐸踈窗試寶熏秋聲江一片曙影月三分倦鶴
行黃葉癡猿坐白雲道人無一事抱膝看回文

夜坐

淡烟楓葉路細雨蓼花時宿雁半江畫寒蛩四壁詩少年
成老大吾道付透遲終有初心在聞雞坐欲馳

題楚觀樓

西風吹感慨曉氣薄登臨半壁楚雲立一川湘雨深乾坤

橫笛影江海倚樓心遺恨飛鴻外南來訪遠音

某叨臬衡湘蒙恩以便郡歸養官齋大卿實寓衡我

十年前邦君也一再見間即分南北五言啓之所

以致今舊雨繾綣云

李官齋名帶

瀟湘一夜雨湖海十年雲相見皆成老重逢便作分啼鵲
春浩蕩回雁曉殷勤江濶人方健月明思對君

幕客載酒舟中卽席序別

故人滿江海遊子下瀟湘夢載月千里意行雲一方櫓聲
人語小岸影客心長總是浮萍迹飛花莫近橋

將母赴贛道西昌

重來鷗閣曉帆影漲新晴倚檻雲來去閉簾花送迎江湖
春汗漫歲月老崢嶸手把忘憂草夔夔繞太清

翠玉樓晚雨

晚樓一曲轉梅花官事無多報放衙林木蔽虧煙斷續江
流曲折雨橫斜年華冉冉風前影歲莫悠悠客裏家一雁
近從沙觜落更饒片雪入天涯

翠玉樓

昏鴉何處落野渡少人行黃葉聲在地青山影入城江湖
行客夢風雨故鄉情試問南來信梅花三兩英

阜蓋樓

一水樓臺繞半空圖畫開蠅涎行薜荔雀影上莓苔碧落
人千載青山酒一杯晚煙看不盡符月却歸來

雲端

半空天矯起層臺傳道劉安車馬來山上自晴山下雨倚

關平立看風雷

和曹倅賦別

名大發
顛作

翠松三萬頃松雪著神仙柳院催金鑰江花送玉鞭曉巖
雲壁立晚棹浪規圓未了醉翁事重尋穎上田
當年童子見今見二毛翁海月三秋別江雲一日同鷗心
馳舍北龍尾曳天東定有延和奏南來寄一通

改題萬安縣凝祥觀

古道松花空翠香風前苔影照滄浪飛泉半壁朝雲濕啼
鳥滿山春日長須信神仙元有國不知蠻觸是何鄉道人
橫笛招歸鶴坐到斜暉上壁瑤

相如遊獵賦華橫瑤瑤註
壁瑤以玉為椽頭

山中再次胡德昭韻

不將顏色污黃金落得灞橋驢上吟是處江山生酒興

天風雪得梅心觥籌堂裏春聲沸燈火林臯夜色深人世
可能行樂爾重遊不用下晴陰

人生柳絮鬪堅牢過眼春光歎伯勞蜀道謾傳千古險廬
山方許一人高眼前見赤徒妨道耳後生風未當豪明月
蘆花隨處有扁舟自在不須篙

曾見尊前此客哉笑攜麈尾拂莓苔水邊飛雁年年見湖
上新亭日日來酌菊醉餘披草坐探梅吟罷帶花回北厓
尚被剛風隔笑殺匆匆上馬杯

周蒼崖入吾山作圖詩贈之

三生石上結因緣袍笏橫斜學米顛漁父幾忘山下路仙
人時訪嶺頭船鳥猿白鶴無根樹淡月疎星一線天為我
醉呼添濛濛倦來平卧看雲烟

先天集鈔

八五

許月卿字太空婺源人後字宋士人稱山屋先生小名千里駒字駒父從董介軒於程正息朱子門人也又受學魏鶴山有志當世入江淮幕中以軍功補校尉詔罷賜弁就舉制以易魁江東廷對觸史嵩之見抑賜進士及第授司戶叅軍復率三學訟權相理宗目爲狂士歷官府學教授復以上言小相失職相免得留尋改江西提舉常平六年不就既至治政廉肅人號爲鐵符循承直郎浙西運幹賈似道當國以月卿試館職言不合罷去買田宅于姑蘇已而散之歸故里閉門著書號泉田子游從者翕然德裕乙亥欲以月卿開闢東園未幾宋亡深居一室但書范粲寢所乘車數字不言幾十年而

卒年七十謝疊山嘗書其門曰要看今日謝枋得便是
當年許月卿月卿則自此履善甫蓋無媿三仁焉

箕山

箕山惟一瓢裹邑亦四壁古今一許氏傳家以清白茶山
與東萊三詩映圭璧後來二三賢題品互紬繹南軒推學
授晦翁要事實亦有小東萊經濟亦何切極意深源流敷
殖久大業臨川有二許我來秋蕭瑟撫卷三歎起寒花香
的皜

京城看月

幾千萬里碧琉璃中有一圓光照之更無一物可與對部
勒星宿光陸離憶昔看月大江頭天地中間風吹衣凡客
無緣相賓主獨攜杯酒獨吟詩祇今千門萬戶閉良夜京

華無人知似我快活更有誰故山今宵月更奇明日懶人
真箇歸

故人

故人歸作山中相老我聊乘雪夜舟細君頗訝不入市山
中訪友將何求扉屨資糧奪之去毀車截鐙挽予留一笑
謂汝賢細君無求我乃肯出游宰相良解軒輕予定難屈
膝低我頭同雲一色天欲雪夜深雲散月明樓

題明皇貴妃上馬圖

開元天寶號太平快活三郎偏縱情帝閑天驥雲雷駛回
首絕憐妃子醉海棠酣春睡未足扶上馬時顏山玉二璫
兩邊扶蹋鞚羣姬爭扶不用命萬花叢玉山花花朝王醉
牡丹共立馬前黃幡綽獻笑容顏似嘲謔三郎勒馬頻回

頭兩手按膝雙凝眸夾立兩旁御弓箭帶御器械如行殿
二瑞相語儼相向貴妃未至龍顏望龍顏不怡吾曹憂昵
昵私語雙燕秋御前兩驥立仗俟御龍整暇聊緩轡卷中
何止數十人十人眼只在一身朕能墜馬替妃子不忍花
飛驚玉體三郎但念妃子醉豈知身醉誤國事無鹽爲后
能疆齊夙夜警戒雞鳴詩花鈿安得紛委地馬嵬安得有
墜時

涉世

涉世如溪谷只宜在淺處一生如一日未暮早歸去君不
見偉哉男子韓淮陰往往正坐涉世深功成身退豈不好
當時何事歸不早人生少年須立事生我不應負天地了
却君王事便休去時莫待雨頭如今版圖半煙霧眼看

流離無限子取將舊物還君王襁褓赤子寢之牀青天白
日正停午歸去彈琴鶴對舞靜與賢傳不木春風吹袂
浴沂天

新安

新安別無奇只有千萬山千山萬山中其奇乃出焉下者
爲硯石與世生雲煙高者無繫累飄然出神仙忽生朱晦
庵追千萬世前示千萬世後如日月當天嗚呼新安生若
人不知再生若人是何年

木犀

詩到黃初上高標不肯唐先師鶴山魏文靖公分封在香
國筮仕得黃裳錦畫累金印瑤英素玉皇黃香天下士誰
得並清芳

雲邊

雲邊人種麥天際我歸舟月色輕寒夜笛聲何處樓久晴
人渴雨倦仕我息休高士傳閑看東籬花正幽

甥館

冬至息吾姪樊川示阿宜驅羊官易取觀象易難知不遠
復三字大音聲一詩屏山宗邵子晦木不忘歸
醉鄉真廣大靜夜絕蕪塵月色明如書天涯總是春鳥飛
林不夜蝶夢路無人天地中間我孤高誰與鄰

同滕推游朱緋堂

當日朱緋夢荒烟化鶴城斜陽邊草色深樹裏禽聲欲雨
路微濕出雲山半青神游應故里只欠愛翁亭

閒賦

老大天諳練殷勤月往還岩巒有奇操泉石亦清談隔浦
飛秋葉開窻看夕山天心端正月潭水夜深參

捧硯姬空翠二首

捧硯姬空翠隨琴鶴曉煙夕陽更山外流水自樓前芳草
垂楊地和風麗日天戲游看處處明媚自年年
看山車放慢遇水馬爭先須信一年景無如三月大露花
如此好煙柳十分圓客醉不須去竹牀相對眠

飯了

飯了庵中坐高情等寂喧井泉春戶口篆火午香煙句好
堪呈佛心空不問禪一聲天外雁秋意滿徽絃

神靜

神靜何須卜心閒卽是仙芋煨牛糞火瓢滴馬鬃泉綠染

春風柳紅勻曉露蓮明朝晴景好一棹盡平川

次韻李制幹贈行

科舉有衣鉢臨行問細君梅花入征夢楊葉礪功勳儼對丹墀日捷排闥闔雲政須及邊事毋惜齒牙論

次韻雲岩

權輿於我屋渠渠久敬如君世莫如明月清風詩滿案好天良夜酒連車樽前遠韻輕盈菊醉後分題爛熳書凡此坐中人十九鉤樞玉帶客金魚

次韻程愿

二李歌行醉裏歌君溪雨棹我煙簑鳳凰臺上我山墅虹馬軒高君月坡曉徑談間追李杜夜窻灰裏撥陰何長哦歲晚成二老詩社往來君肯麼

入邑問炊中雲招王希聖起龍

希聖平生詩酒豪居然閉戶學孤高不知昨夜秋風柳得似當時春日桃別去半年猶旦暮胸中百痒欠爬搔虎溪破戒君須解已辦清詩與濁醪

追賦暮遊

余庚子冬絮絮離廣陵將肄奉常試業于京師舟泊無錫日已暮與王希聖微服遊南禪蓋訪古也參參題名壁無恙寺記有碑碑陰結字甚偉視之蔡京也出門煙樹蒼然數僧偶語而已余與希聖却立四顧曰此佳景也當寫之爲詩而舉子業亂其中不能就暇日追想宛在其目爲詩以寄希聖其明年冬十一月也歲月驅人又可一慨

錫山舟泊似荒村微服南禪古跡存壁上姓名今已遠碑
陰人物了能言薄游草草山侵岫遠息悠悠風滿軒攜手
出門煙樹密數僧離立語黃昏

寄題岩經樓

樓中圖史澹爐熏中有成都較藝文手澤存焉生舊感心
傳妙處長新聞世科事業無如子經學源流可致君祗恐
校讐天祿閣猿啼樓外滿溪雲

滿城風雨近重陽

滿城風雨近重陽一舸煙波入醉鄉心事已同鷗鳥白眼
界空有雲山蒼酒安能管興亡事菊亦頗復時世粧何似
長歌明月裏月明天濶地更長

挽座主吳倅

菊翁去後菊園荒壽不如花儘自香進學解成誰具錦題
輿字濕已黃梁衆流出壑三秋暮明月照松千仞岡冷落
僧爐數間屋但留名節付賢郎

挽李左藏

少年謂子氣橫秋壯已邊城汗漫遊筮仕弗如歸亦好讀
書未了死方休半生懶意琴三疊千古詩情土一丘月落
錫林煙露冷松風無籟自颼颼

次韻朱塘

淳祐二年春王正月丁巳許月卿過滕滕子曰子嘗遊
朱塘乎曰未也曰淳熙之三年朱文公歸故鄉游朱塘
山深水靜荷華其間慨然曰是吾夢游所也此誰之士
於是先大夫拱而進曰先業也先塚在此文公曰是宜

爲亭以領山水子取幅紙吾爲若書以告同志者共成
之先大夫雅謹喪時又少四顧無楮筆則已異時爲鉛
鈞言以爲恨常試與子遊乎遂如朱塘歸相與爲詩秋
八月亭成郡丞秘書郎書其扁曰晦庵亭滕子以詩來
有晉之者冬十月詩成月卿用韻亦賦之

游子從來悲故鄉歸來襟袖芷蘭芳夢魂飛去雲濤遠杖
策閑行秋水光可是夢中曾到此安知身後却餘香紫陽
弟子有賢子卜築新亭真宥堂

辭賈徽州

束書歸去饗梅花底事罪英故故斜約住忙中千里鶴羨
渠如意兩歸鴉家中見雪念爲客客裏觀梅不似家園樹
暫時相關白明朝休向我儂誇

三月

三月春如年少時了知造化最見嬉智行無事柳飛絮道
發自然花滿枝錦繡園林添富貴神仙院落鬪清奇老夫
長似春三月游戲人間不皺眉

春日閒賦

數行竹樹鳴春雨一簇人家帶曉煙省事山丹自籬落親
入海燕並庭簷樓高思遠天無極酒罷歌闌月正圓新茗
一甌香一篆與君清坐看風簾

中秋謝施婺源爰

高情古意滿溪樓靜拍欄干儘兩眸月不露圭天有道風
能谷水無愁從吾所好萬青壑捨我其誰雙白鷗別樣
主人情重處不將紅妓說中秋

浴罷

浴罷披襟竹影斜客中殘暑散空花人行意外雲無脚月
起林間燈映紗舉酒聞鐘知近寺談詩食李却忘家明朝
又浴還來此何必開樽只煮茶

仲春初五日報謁

玉磬蒲團出定音謁酬與世費浮沉徑松叅漢周官肅鳩
竹藏雲商易深暮色溪山皆有道春風花草本無心年來
年去頭成白斗酒樓前明月斟

多謝

多謝東皇着意晴海棠勻趁笑相迎園林富貴何千萬花
柳功勳已十成曉雨有情於芍藥春風無處不流鶯扁舟
水長一篙許茶竈筆牀聊意行

厭厭

厭厭夜飲忘更深客不來辭主有情僮僕觸屏成蝶夢姬
姜壓笛作蟬聲月如有待行行慢風不生嗔細細清萍散
人生何可料嬋娟千里共交盟

項似道眉子硯

集賢得予同年湯東澗所贊眉子石輒贈梧岡命許某
賦之得一首

新安硯石舊多奇硯入黃扉得所歸呵水浮雲尤物視傳
衣半夜偉人知坡仙爲欠十眉詠李及何妨一硯持堪笑
泉石老居士無端渾沌盡新眉

次周尚書

詩律無寒

鄴州家風洗耳

侯

傳以酒爲真印

法惟梅不共流幸免五經嘲笥腹可無百尺進竿頭從來
此道飄零甚戎索惟憑疆以周
平原平等視青州不佛不仙仍不侯滿樹絲蘿天富貴半
窻水黑月風流皆云臨濟具雙眼且放東坡出一頭劈畫
尚能千百歲須臾一笑跨商周

暮春聯句

清廟朱絃瑟羔羊素絨風釣竿漁艇小園徑李蹊通白酒
渾忘送皇天似不公風簷開秀色雪嶺現酥胷王化殊無
外聖賢時復中人稱君子子卿自密翁翁從喚酒經癖聊
紆花史忠前知安用卜定見不訪紅橘僕使令熟竹君家
計豐六年無不可三語將無同柳子鑽只爲士大夫道个乞字慣巧韓公不送窮

沃心禪帝學古道暢皇風天下真無敵君前置一通將拈
龍尾硯去作魚頭公筆底瀾翻舌談間磊瑰胸通明雲殿
上清切玉堂中發軔同安簿深衣獨樂翁孝經題幼志沼
鑑見精忠元祐龍蛇雜開禧蠹賊訂隆冬老儒立奸黨一
碑豐三晉春秋在千年綱目同長天照孤憤清夜好研窮
徐字不晉帖楚詩無國風山谷謂東坡不成邦公如大國楚吞五湖三
江十五國風無楚詩蓋外之也天邊長劒倚花外小車通不有吏文叔誰
能書子公二三豪俊骨數萬甲兵胷柳暗琴三疊梅殘酒
一中羨君屠龍技笑我祝雞翁擊甕豈見智編橋度蟻忠
行春奉寬詔佩犢弭兵訂天濶吟邊遠月明詩檐豐秋光
宦情薄鸞鶴嘯聲同清澗耳堪洗深山日更窮

千年

千年光景東西漢一把春風大小喬坐嘯行吟芳草碧杜鵑時節雨瀟瀟

人間

人間瀟灑柳塘仙三遺詩來各四篇安得左螯右杯酒與君爛醉柳塘邊

途問伍

乍雨乍晴寒食候半花半蕊山磬香老農甚喜天意好日暖今年不凍秧

車中

路平正好坐車中時有禽聲山翠濃馮軾斜眸看法帖開簾正面受春風

白雪

白雪家家折蠶箔清風行行入秧苗半開猶蕊花情遠久雨初晴禽語驕

槐影

槐影本來惟戴日蟬聲固自未知秋斜陽薄雨羊歸徑冷月橫星入倚樓

吟蛩

吟蛩不管興亡事舞蝶那分夢覺身別浦連牆歸遠客高山小徑過樵人

朗湖道中因見二事信筆二首

屋下種花簷露滿窗前疊石岫雲生春風不解分疆界本自無心却有情

鳥雀逢鷓皆憶鷓鷓遇獺等求魚秋風雪散天無極清

曉冥冥鴻影孤

新安道中

白水黃山天一青
雪梨金柳雙眼明
要知來日清明日
請聽鶻鳴第一聲

無山

無山平野雲天濶
有月高樓烟水微
渴睡車中鶯一轉
愁吟路上蝶雙飛

題劉後村所跋楊朴移居圖

曾對君王已放還
何須當道把漁竿
使軺將宿人將避
拗折漁竿趕入山

